

Fason pour tret/servi Paviyon Nasyonal

- ◆ *Paviyon Nasyonal i devret touzour ganny trete avek respe, par egzantp, I pa devret ganny trenn ater, sali, brile, desire par ekspre.*
- ◆ *Paviyon Nasyonal I devret ganny fikse, servi, stoke, atase oubyen anmare dan en fason ki I pa Sali, desire oubyen andomaze.*
- ◆ *Paviyon Nasyonal pa devret ganny servi dan en fason ki pa permet li flot libreman, ouswa ganny servi dan okenn fason ki pou fer li ganny andomaze ouswa desire fasilman.*
- ◆ *Paviyon Nasyonal pa zanmen devret ganny servi koman en lobze oubyen en resipyan pour resevwar, tenir, anmenen, ouswa delivre okenn keksoz.*
- ◆ *Letan ki Paviyon Nasyonal in andomaze, vye, blansi oubyen desire i pa devret ganny zete an bonavini. I devret ganny anmenen kot biro Ladministrasyon ou distrik pour li ganny detri dan en fason apropiye.*
- ◆ *Paviyon Nasyonal pa devret ganny servi konman en tapi latab, kouvertir sofa, rido oubyen lezot keksoz parey.*
- ◆ *Okenn lekritir, sinyatir, sif, mark, portre, desen oubyen anprent pa devret ganny mete lo Paviyon Nasyonal.*
- ◆ *Paviyon Nasyonal pa zanmen devret ganny flote latet anba.*
- ◆ *Paviyon Nasyonal i kapab ganny servi dan bann levennman, manifestasyon ek selebrasyon nasyonal kiltirel, sportif ek lezot ankor.*

Bann sanksyon

Dapre lalwa, en dimoun I koupab a nenport moman ki I fer okenn aksyon oubyen dir okenn parol avek lentasyon pour ensilte, mepriz e ridikiliz Paviyon Nasyonal. Pou sa lofans ki in komet i pou bezwen pey en lanmann SR 25, 000 ouswa kondann 5 an prizon

Pour plis lenformasyon, kontakte

Lofis Protokol
Departman Zafer Etranzer
Minister Zafer Etranzer e Tourizm
E-mail: protocol@mfa.gov.sc
Tel: (+248 4 83 36 12 Or 4 28 35 60
Maison Quéau de Quinssy
Mont Fleuri
Larepublik Sesel
Bwat Postal 656

GID LO FASON APROPRIYE POUR FLOT E AFIS PAVIYON NASYONAL SESEL



Paviyon Nasyonal i en reprezantasyon Sesel konman en Nasyon... Flot li avek lafyerte!

Deskripsyon Paviyon

Paviyon Nasyonal, Trwazyenm Repiblik Sesel, i en paviyon avek senk reyon kouler ble, zonn, rouz, blan e ver alinyen dan en laform oblik, sorti dan kwen gos anba e reyonn anler pour kouver antye son sirfas. Sa bann reyon oblik zot senboliz en pei dinamik (an mouvman) ki pe bouz ver lavenir.

Reprezantasyon sa bann kouler i konm swivan:

Ble: *I reprezant lesyel avek lanmer ki otour nou.*

Zonn: *I reprezant soley ki donn lalimyer e lavi.*

Rouz: *I reprezant lepep avek son determinasyon pour travay pour lavenir dan linite ek lanmour.*

Blan: *I reprezant lazistis sosyal ek larmoni.*

Ver: *I reprezant later avek lanvironnman natirel.*

Paviyon Nasyonal ler i ganny flote kot en lakour

Paviyon Nasyonal i kapab ganny servi par en nenport endividi kot son lakour. I kapab ganny mete anndan oubyen an deor lakaz, osi lontan ki i ganny flote avek respe ek dignite ki i merite.

Paviyon Nasyonal pa devret ganny atase avek okenn keksoz, lobze oubyen plant dan zalantour lakaz.

I rekonmande ki Paviyon Nasyonal i ganny flote lo en poto ki'n ganny fer espesyalman pour li oubyen ganny met anpandan avek en miray.

Dan lakaz:

Paviyon Nasyonal i kapab ganny flote lo en poto, ouswa san en poto. En pli pti versyon Paviyon Nasyonal i kapab ganny plase lo en latab, lo en letazer e lo lezot sirfas similer dan en lakaz osi lontan ki i reste vizib.

Sa de zimaz swivan i montre de fason ki Paviyon Nasyonal I kapab ganny mete lo en miray:



An deor lakaz:

- ◆ Otan ki posib, Paviyon Nasyonal i devret ganny plase drwat devan, ouswa lo kote drwat lakaz.
- ◆ Paviyon Nasyonal i kapab ganny flote lo en poto ki'n ganny pozisyonnen ater, ase lwen avek miray lakaz, ki permet li flot libreman.
- ◆ Paviyon Nasyonal i kapab ganny flote lo en poto ki'n ganny pozisyonnen vertikalman lo trwatir lakaz, ouswa lo en poto ki'n ganny pozisyonnen orizontalman oubyen apepre 45 degre avek en miray, en pilye ouswa en balkon lakaz.
- ◆ I rekomande ki zis en Paviyon Nasyonal a la fwa i ganny flote an deor en lakaz.
- ◆ I rekomande ki Paviyon Nasyonal I ganny pozisyonnen dan en landrwa ki fasil pou retire e ranplase ler in ganny andomaze.

Sa de zimaz swivan i montre Paviyon Nasyonal ler i ganny pozisyonnen andeor lakaz:

Poto ki ganny servi pou flot Paviyon Nasyonal



En poto ki ganny servi pou flot en paviyon i devret ganny fer avek materyo parey : metal, dibwa oubyen lezot materyo ki reziste kondisyon letan (espesyalman ler i ganny pozisyonnen andeor lakaz), e pou siport sa paviyon ler i pe flote.

I vremen enportan pou swiv sa bann spesifikasyon swivan letan en Pavisyon Nasyonal i ganny flote lo en poto:

| Dimansyon Paviyon | Dimansyon Poto | Lobzektif |
|--|--|---|
| 25cm x 15cm Versyon Paviyon pou latab | Apepre 30 cm | Paviyon ki ganny flote lo en biro, en latab, en letazer etc.... |
| 2pye x 1pye. (60cmx30cm) | Pa pli mwens ki 60 cm | Paviyon ki flote koman en alternativ pou 4x2pye |
| 4pye x 2pye (1.2mx60cm) | Ant 1.5m e 2m | Paviyon ki normalman ganny flote lo en bato, yot etc... me ki osi kapab ganny flote kot bann lakour prive |
| 6pye x3 pye (1.8mx90cm) | *Ant 2m a 2.5m (dan lakaz) *Pa pli mwens ki 4.5met (andeor lakaz) | Paviyon ki ganny flote lo poto anndan oubyen an deor dan landrwa piblik ou lo propriyete prive |

Bann regilasyon zeneral pou flot en Paviyon Nasyonal

A tou moman ki Paviyon Nasyonal i ganny flote, i devret an konformite avek sa bann legzisans swivan:

- ◆ Letan Paviyon Nasyonal i ganny flote vertikaman, sa kouler ble I devret alinyen avek poto paviyon.
- ◆ Letan Paviyon Nasyonal i ganny flote lo en poto dan en pozisyon orizontal oubyen anfezan en lang avek en miray, avek en balkon ouswa menm avek pilye en lakaz, sa kouler ble i devret alinyen avek poto paviyon e sa kouler ver an paralel avek miray .
- ◆ Aswar, letan Paviyon Nasyonal I ganny flote an deor lakaz, **i devret ganny byen eklere.**
- ◆ Okenn lobze, enkli fler, bouson boutey, latrwal parmi lezot ankor pa devret ganny atase avek oubyen met anler lo bout poto ki paviyon pe flot lo la .
- ◆ **En paviyon ki'n ganny andomaze, desire e menm blansi pa devret ganny flote .**
- ◆ **En poto ki'n tordi/ kourbe pa devret ganny servi pou flot en Paviyon Nasyonal .**